

ԵՐԻՏԹՈՒՐՔԵՐԻ ԱԶԳԱՅԻՆ ՔԱՂԱՔԱԿԱՆՈՒԹՅԱՆ ՀԱՐՑԻ ՇՈՒՐՋԸ

Գ. Ս. ՔԻԼԻՄՋՅԱՆ

Առաջին համաշխարհային պատերազմի նախօրյակին, երիտթուրքերի քաղաքականության հետևանքով, ազգային հարցը Օսմանյան կայսրությունում հատկապես սուր բնույթ էր ստացել: Մասնավորապես սրվել էր հունական հարցը: 1908 թ. վերջերից Օսմանյան կայսրության բռնապետության տակ բնակվող հույների դեմ երիտթուրքերի սկսած կատաղի հալածանքներն էին, որն ի վերջո հանգեցրեց նրանց զանգվածային արտաքսման:

Տրիպոլիտանիայի ու Կրետեի, ինչպես նաև էգեյան ծովի կղզիների ու Եվրոպական Թուրքիայի մեծ մասի կորստից հետո անվստահությունը և նույնիսկ վախը՝ դեպի Թուրքիայում բնակվող ոչ թուրք ժողովուրդները և, մասնավորապես, հունական բնակչությունը, դարձավ երիտթուրքերի քաղաքականության ելակետն ազգային հարցում: Հունական տարրը սկսեց դիտվել որպես Փոքր Ասիայի ամբողջականությանը սպառնացող վտանգ: Անվստահության մյուս շարժառիթը տնտեսության և, մասնավորապես, առևտրի ասպարեզում Օսմանյան կայսրության մեջ հույների ունեցած նշանակալի տեսակարար կշիռն էր: Նրանց ձեռքում էր կենտրոնացված կենսամթերքի, մանուֆակտուրայի, ինչպես նաև մանր առևտրի զգալի մասը: Բացի այդ, նրանց դերը մեծ էր առափնյա առևտրի ասպարեզում: Այդ առթիվ թուրք ժամանակակից պատմարան Յ. Հ. Բայուրը նշում է. «Երկրի տնտեսական բնագավառում գրեթե լիովին գերիշխում էին ոչ թուրք տարրերը, հիմնականում՝ հույները»¹: Այդ հանգամանքը առաջ էր բերում թուրք առևտրական բուրժուազիայի զայրույթն ու դժգոհությունը, որը ձգտում էր ասպարեզից դուրս մղել տնտեսական ամուր դիրքեր վրաված հւատակ ժողովուրդները բուրժուազիային: «Սկսած Բալկանյան պատերազմից, — արձանագրում է «Թասվիր-ը էֆթյար» թերթը, — թուրքերը ինքնագիտակցության միանգամայն բնական զարթոնք ապրեցին և զգացին տնտեսական առումով ևս ուժեղանալու անհրաժեշտությունը»²:

Հարցն ավելի էր սրվում նրանով, որ տնտեսապես հզորացած ոչ թուրք բուրժուազիան, առաջադրում էր նաև իր քաղաքական պահանջները. նա լանդիս էր պալիս Լրիդի վարչական ապակենտրոնացման, ինքնավարության պահանջով, որն արդեն բացահայտ դիմադրության էր հանդիպում թուրքական կառավարության և թուրք վերնախավների կողմից:

Հանրահայտ է, որ այլազգի (հատկապես հույն) բուրժուազիան առավելապես ամուր դիրքեր էր գրավել Եվրոպական Թուրքիայում և Փոքր Ասիայի արևմտյան ծովափին: Երկրի այս կարևոր շրջանները այլազգիների ազդեցությունից դուրս բերելու նպատակով երիտթուրքերը դիմեցին դրանք հույներից մաքրելու քաղաքականությանը:

Հակահունական կամպանիայի ծավալման առիթ հանդիսացավ հունական

¹ Y. H. Bayur, Türk inkılabı tarihi, cild 2, kısım 3, Ankara, 1951, s. 253.

² Վերցված է «С.-Петербургские ведомости» թերթից, 7(20). III. 1914.

Մակեդոնիայից ու Թրակիայից ծայր առած թուրքերի զանգվածային արտագաղթը, որն սկսվել էր դեռևս բալկանյան առաջին պատերազմի օրերին: Երիտ-թուրքերը սկսեցին գաղթական թուրքերին տեղավորել հուններով խիտ բնակեցված վայրերում, այսինքն, Թուրքիայի եվրոպական մասում և էգեյան ծովափին, նպատակ ունենալով ստեղծել թուրք բնակչության գերակշռություն:

Այս միտումը, ըստ Բայուրի, բխում էր հիշյալ շրջաններում հնարավոր թվացող խռովություններն ու արտաքին միջամտությունը վերացնելու կառավարության մտահոգությունից³:

1913 թ. հոկտեմբերից սկսվեց նաև Թրակիայի հունական բնակչության հարկադրյալ արտագաղթը դեպի Հունաստան: Տեղական իշխանությունները, ինչպես վկայում է հայտնի պետական գործիչ իսախի Մենթեշին իր հուշերում, հրահանգ էին ստացել գործադրել բոլոր միջոցները, որպեսզի ստիպեն հույներին արտագաղթել⁴: Հույներին հարկադրական արտագաղթի մղելու համար օգտագործվեցին հալածանքի ու բռնության բարբարոսական բազմազան ձևեր ու միջոցներ: Հալածանքներն սկսեցին ընդունել ջարդի բնույթ: Թրակիայի թուրքական մասում մի շարք հունական գյուղերի բնակչությունը ամբողջությամբ բնաջնջվեց: Պաշտպանելով երիտթուրքերի այս քաղաքականությունը, նրանց կիսապաշտոնական օրգան «Ժեռն թուրք» թերթը դրեց. «Թրակիայից օսմանյան հույների արտաքսումը ղուտ թուրքական ներքին գործ է...»⁵:

Հույների նկատմամբ հալածանքներն ու բռնությունները միայն Թրակիայի շրջանակներով չսահմանափակվեցին և լայն ծավալ ընդունեցին նաև Փոքր Ասիայի արևմտյան ծովափին: Թուրքական ղինված խմբերը, հարձակվելով հունական բնակավայրերի ու գյուղերի վրա, ջարդում ու արտաքսում էին բնակիչներին և տիրանում նրանց բնակատեղիներին և ունեցվածքին: Կ. Պոլսի ռուսական դեսպանության թարգման Տուխուկյան հաղորդում է այն սարսափելի կոտորածի մասին, որ կատարվել է հին և նոր Ֆոկիայում, ուր զոհվել է գրեթե ողջ բնակչությունը⁶: Մեկ ուրիշ ականատես, ֆրանսիացի հնագետ Ֆելիքս Սարթիոն, դրում է, որ հունական գյուղերի վրա հարձակվող թուրք հրոսակախմբերը տեղական իշխանությունների կողմից ղինվում էին Մարտի-նի սիստեմի հրացաններով և մուշկետներով⁷:

Իրենց բնօրրանից արտաքսված, թալանված, լլկված ու սովահար հույների բազմահազարանոց խմբերը խռնվեցին առափնյա քաղաքներում՝ սպասելով Հունաստանից ժամանող նավերին: «Հույների վիճակը արգահատելի է: Սովահար և ամեն բանից զրկված ու կողոպտված, անոնք բացօթյա կրնակին առանց ապաստան մը ունենալու: Իրենց գույքերը հափշտակված են ու կինները անպատված: Հույների բնակարանները կնքված են իշխանությանց կողմից, որ տանտերերը կվտարեն»⁸:

Գնալով ավելի էին ընդլայնվում հույների հալածանքն ու արտաքսումները: «Թուրքիայի զանազան վիլայեթներում, — գրում է թերթերից մեկը, — հակա-

³ Տե՛ս Y. H. Bayur, նշվ. աշխ., էջ 251:

⁴ Տե՛ս նույն տեղում:

⁵ Վերցված է «С.-Петербургские ведомости» թերթից, 20. IV(3.V), 1914:

⁶ Центральный государственный архив военно-морского флота, ф. 418, оп. I, д. 4261, л. 201.

⁷ Տե՛ս «Revue des deux Mondes», t. 24, Paris, 1914, p. 663.

⁸ «Ազատամարտ», 25, V. (7.VI), 1914:

հունական շարժումը ոչ միայն չի նվազում, այլ, ընդհակառակը, ընդունում է առավել մեծ չափեր և առավել դաժան բնույթ»⁹։ Դրան նպաստում էին պետական մարմինները, որոնք կազմակերպված բնույթ էին տալիս անօրենսությանը։ «Թրակիայի տարրեր վայրենից տրվող հաղորդումների համաձայն,— կարդում ենք ռուսական կառավարական թերթում,— ականջատ է դառնում, որ թուրքական իշխանությունները ամենաբազմազան հարկադրանքներով ստիպում են հույներին լքել իրենց բնակավայրերը»¹⁰։ Իսկ ֆրանսիական ազդեցիկ «Թան» թերթը, հանգամանորեն վերլուծելով արտագաղթի պատճառները, բացահայտում էր թուրքական կառավարության հետապնդած նպատակը. «Թուրքական կառավարությունը որոշել է բացարձակապես մահմեդականներով բնակեցնել Բալկանյան թերակղզու այն մարզերը, որոնք դեռևս մնացել են Օսմանյան կայսրության կազմում, կամ, ավելի ճիշտ, նա որոշել է մահմեդական նոր տարրերով զորեղացնել Թրակիայում արդեն առկա թուրքական բնակչությունը...»¹¹։ «Թուրքական իշխանությունների կողմից հույների զանգվածային արտաքսումը կատարվում է Գերմանիայի հրահրումով,— գրում էր «Նովոյե վրեմյա» թերթը.— Ի դեմս հույների, նա տեսնում է Թուրքիայի տնտեսական շահագործման մրցակիցներին, նրանց համարելով Ասիական Թուրքիայի գաղութացման ու գերմանականացման որոշակի խոչընդոտ»¹²։

Հակահունական կամպանիա բորբոքելով, երիտթուրքերը ցանկանում էին նաև ճնշում գործադրել հունական կառավարության վրա՝ հարկադրելով նրան զիջումներ անել էգեյան կղզիների հարցում։ Այդ կապակցությամբ, դեռևս 1914 թ. հունվարին, Աթենքի թուրքական դեսպանը սպառնաց, որ կղզիների հարցում Հունաստանի դրսևորած համառությունը կարող է տխուր հետևանքներ ունենալ ինչպես Հունաստանի, այնպես էլ Օսմանյան կայսրության սահմաններում բնակվող ողջ հույն բնակչության համար¹³։ Բռնի արտագաղթին զուգահեռ, երիտթուրքերը նորից ծավալեցին հակահունական տնտեսական բոյկոտի քաղաքականությունը։

1913 թ. վերջերին հակահունական բոյկոտը փոքրասիական մի քանի նավահանգիստներում, հատկապես Զմյուռնիայում, հասավ մեծ չափերի։ «Թասվիր-ը էֆթյարի» կարծիքով «Թուրքերի և մահմեդականների բոյկոտը միանգամայն օրինական է. նրանք այդ ձևով ցանկանում են տնտեսական ասպարեզում ևս դրսևորել իրենց եռանդն ու ձեռնբեցությունը»¹⁴։ Զարդացնելով այդ միտքը, Բալուրը գրում է. «Օսմանյան կայսրության հույների հետ առևտրական հարաբերությունները խզելու մասին կառավարության ու Միություն և Առաջադիմություն կուսակցության գաղտնի որոշումը մի կողմից նպաստելու էր նրանց տնտեսական ազդեցության խարխլմանը, իսկ մյուս կողմից՝ դյուրացնելու էր տնտեսական ասպարեզում թուրքերի խիստ թույլ դիրքերի ամրապնդումը»¹⁵։ Թուրքական առևտրական բուրժուազիայի գործունեությունը առա-

⁹ «С.-Петербургские ведомости», 8 (21). VI. 1914.

¹⁰ «Правительственный вестник», 12 (25). IV. 1934.

¹¹ «С.-Петербургские ведомости», 3 (16). VI. 1914.

¹² «Новое время», 17 (30). VI. 1914.

¹³ Galib Kemali Söylemezoglu, Hatıralar. Atina Sefareti (1913—1916), İstanbul, 1946, s. 144.

¹⁴ «С.-Петербургские ведомости», 7 (20). III. 1914.

¹⁵ Y. H. Ba y u r, նշվ. աշխ., էջ 253.

վել արդյունավետ դարձնելու համար երիտթուրքերը սկսեցին դրամական միջոցներ կուտակել՝ առևտրական մի մեծ ընկերություն հիմնելու նպատակով։ Սակայն բոյկոտի քաղաքականության միջոցով թուրքական բուրժուազիայի տնտեսական դիրքերը բարելավելու և ամրապնդելու ջանքերը կրկին ձախողվեցին։ Այդ առթիվ Բալուրը նշում է. «Տնտեսական բնագավառում թուրքերի տեսակարար կշիռը մեծացնելու փոխարեն բոյկոտը ավելի շուտ ծառայեց որպես զոռքաների հարստացման ժամանակավոր միջոց»¹⁶։

Հակահունական կամպանիան ողբերգական եղավ հուլյն ժողովրդի համար։ 1914 թ. հունիսին կազմված միջազգային հանձնաժողովը Օսմանյան կայսրության ներքին գործերի մինիստր Թալաաթի ուղեկցությամբ էգեյան ծովափին կատարած շրջագայության ժամանակ արձանագրեց, որ հակահունական կամպանիայի ընթացքում թուրքական հրոսակախմբերի ասպատակությունների հետևանքով այդ շրջանների մեծ մասը վերածվել է անապատի։ Հրդեհված ու կործանված էին հունական գյուղերն ու բնակավայրերը, ավերված էին դաշտերը, այգիներն ու ցանքատարածությունները։ Այդ հանձնաժողովի անդամ, ռուսական ներկայացուցիչ Տոփուկյան հաղորդում է, որ ամբողջ էգեյան ծովափից հուլյների վտարման պլանը նախօրոք և կատարելապես մշակված էր կենտրոնական կառավարության կողմից¹⁷։

Հակահունական կամպանիան շարունակվեց հիշյալ շրջագայությունից հետո։ Հուլիսի 1-ի հաղորդման մեջ Կ. Պոլսի ռուսական ղինվորական ներկայացուցիչ Սերգեևը նշում է, որ երիտթուրքերի կոմիտեն, Թալաաթի և Ջավիդի մասնակցությամբ, որոշել է «կարգադրել իշխանություններին բոլոր միջոցներով նպաստել արտագաղթին»¹⁸։

Արտաքսման վայրերը կատարած Թալաաթի քննական շրջագայությունը կրում էր սոսկ ձևական բնույթ և հունական ու եվրոպական հասարակական կարծիքը հանգստացնելու լուկ անհաջող մի փորձ էր։ Հրապարակորեն «դատապարտելով» հակահունական հալածանքները, Թալաաթը գաղտնիորեն հրահանգում էր ամենայն հետևողականությամբ կիրառել հուլյների հանդեպ իրականացվող պետական քաղաքականությունը։ Այսպես, Բուրսայում նման բնույթի հրապարակային մի ելույթից հետո, նա իր մոտ է կանչում թուրքական իշխանությունների ներկայացուցիչներին և ցուցում տալիս. «Ոչ մի ուղադրություն չդարձնեք ժողովրդին ուղղված իմ խոսքերին։ Մեր պարտքն է մինչև վերջը իրագործել մեր նշած ծրագիրը և շարունակել մեր երկրից քրիստոնյաների վտարումը»¹⁹։ Իհարկե, պետական քաղաքականության բնույթ կրող նման հրահանգների հետևանքով հուլյների հալածանքները շարունակում էին մոլեգնել։ Հրի ու սրի արյունահեղ քաղաքականության հետևանքով, Թրակիայից ու էգեյան ծովափից անվերադարձ տեղահանվեց մոտավորապես 200 հազար հուլյն²⁰։ Այդ շրջանից հղված դիվանագիտական հաղորդումները վկայում են, որ զանգվածային արտաքսումից հետո, ամբողջ էգեյան ծովափը, մասնավոր-

¹⁶ Նույն տեղում։

¹⁷ ЦГАВМФ, ф. 418, оп. 1, д. 4261, л. 201.

¹⁸ Նույն տեղում, թ. 139։

¹⁹ «С.-Петербургские ведомости», 2 (15). VII. 1914.

²⁰ «Documents diplomatiques Français», t. X, Paris. 1936, p. 600.

քապես՝ Զմյուռնիայի նահանգը և Դարդանեղի երկու ափերը, լիովին մաքրվեցին հունական տարրից²¹։

Հակահունական կամպանիան իրականացնելու հետ մեկտեղ, թուրքական կառավարությունը ջանում էր իրենից հեռացնել այդ գործի պատասխանատվությունը։ Դեռևս 1914 թ. ապրիլին, «քննելով» թուրքական Թրակիայից հեռացող հույների արտագաղթի պատճառները, Թալաաթը հայտարարեց, որ հույների արտագաղթը հիմնականում հունական նոր տերիտորիաները փախած 12 հազար հույն փախստականների դրդումների արդյունքն է, որոնք կոչ են անում իրենց ազգակիցներին գաղթել և տեղ դառնալ տեղի մահմեդականների ունեցվածքին²²։ Բացի այդ, նա պնդում էր, թե բալկանյան պատերազմի ընթացքում մահմեդական բնակչության հանդեպ կատարած վայրագությունների փոխվճարի խուսափելու համար հույները ձգտում են հեռանալ թուրքական հողերից²³։ Այս տեսակետը նա արտահայտեց նաև նույն տարվա հունիսին, էգեյան ծովափում կատարած իր «քննական» շրջագայությունից հետո²⁴։

Աթենքի Օսմանյան կայսրության դեսպան Գալիթ բեյը իր հուշերում փորձում է ժխտել հույների դեմ ծավալված կամպանիայի պետական բնույթը²⁵։ Նույն տեսակետն է արտահայտում նաև Բալուրը։ Նա նշում է, որ Օսմանյան կայսրությունում հույների հալածանքները Հունաստանում ծավալված հակաթուրքական գործողությունների արձագանքն են²⁶։ Հույների հալածանքների կապակցությամբ հունական կառավարությանը 1914 թ. հունիսի 17-ին հղված նոտայում թուրքական կառավարությունը ևս պնդում էր, թե Փոքր Ասիայում ծավալվող իրադարձությունները ժողովրդի որոշ շրջաններում առաջացած վրդովմունքի հետևանքն են²⁷։ Այսուհանդերձ, Բալուրը նշում է, որ վերջին հաշվով, դրանք տեղի ունեցան կառավարող շրջանների թողտվությամբ²⁸։ Հատկանշական է, որ հալիլ Մենթեշեն միանգամայն որոշակի վկայում է, որ հույների արտագաղթը պետականորեն կազմակերպված միջոցառում էր²⁹։

«Քննական» շրջագայությունից վերադարձած Թալաաթը իր զեկուցագրում այդ վայրագություններին անդրադառնում էր հարևանցիորեն, դրանք ներկայացնելով որպես մասնավոր և ոչ էական երևույթներ։ Նրա զեկուցագրում նշվում էր, որ «Երբեմն եղել են նաև հափշտակություններ, ընդհարումներ ու

²¹ ЦГАВМФ, ф. 418, оп. 1, д. 4261, л. 201 и МОЭИ, серия III, т. IV (1914—1917), М.—Л., 1931, стр. 84, 183. Տեղին է նշել, որ հույներին իրենց հայրենի բնօրրանից արմատախիլ անելու արդյունքում քաղաքականությունը շահամանափակվեց սոսկ երիտթուրքերի տիրապետությամբ։ Այն շարունակվեց և անհամեմատ մեծ չափեր ընդունեց քեմալական շարժման ընթացքում, երբ հիմնովին ու վերջնականապես Փոքր Ասիան մաքրվեց հույներից։ Հետագայում ևս, թուրքական կառավարությունները առիթը բաց չէին թողնում Կ. Պոլսում և Զմյուռնիայում խմբված հույներին կոտորելու, նրանց ունեցվածքը հափշտակելու և երկրից վտարելու համար։ Հանրահայտ է, որ Մենդերեսի կառավարության հրահրած հակահունական կամպանիայի հետևանքով, 1955 թ. օգոստոս-սեպտեմբեր ամիսներին, Ստամբուլում և Զմյուռնիայում տեղի ունեցան հունական շարժեր, որոնց հետևանքով սպանվեցին բազմաթիվ հույներ և հայեր։

²² G. Kemal, Hatıralar, s. 101.

²³ Նույն տեղում։

²⁴ Y. H. Bayur, նշվ. աշխ., էջ 254—255.

²⁵ G. Kemal, Hatıralar, s. 118.

²⁶ Y. H. Bayur, նշվ. աշխ., էջ 253.

²⁷ G. Kemal, Hatıralar, s. 122.

²⁸ Y. H. Bayur, նշվ. աշխ., էջ 251.

²⁹ Նույն տեղում։

սպանություններ»³⁰, Աթենքի թուրքական դեսպանը, ավելի մեղմացնելով Թալաթի վերոհիշյալ ժլատ խոստովանությունը, գրեթե ժխտում է այդ իրադարձությունները, դրանք ներկայացնելով որպես որոշ «տհաճ երևույթներ»³¹,

Թուրքական դրականության մեջ խիստ կերպով նվազեցված է նաև Օսմանյան կայսրությունից հարկադրաբար արտագաղթած կամ բռնությամբ վտարված հույների թիվը: Դեռևս այն ժամանակի թուրքական աղբյուրները պնդում էին, թե իբր Օսմանյան կայսրությունից գաղթել են միայն 1000 հույներ, ըստ որում իրենց սեփական ցանկությամբ և թուրքական վարչության կամքին հակառակ³², Այնինչ, Թալաթի ղեկուցագրում նշված է, որ «Դաղթը, գրեթե բոլոր վայրերում, կատարված է զանգվածորեն»³³,

Այսպիսով, թուրքական գրականության մեջ ամեն կերպ խեղաթյուրվում է երիտթուրքերի ազգային քաղաքականության էությունը և դրանով պաշտպանության տակ է առնվում Անատոլիան ոչ թուրք ժողովուրդներից, հիմնականում՝ հույներից ու հայերից մաքրելու նրանց ռեակցիոն-շովինիստական քաղաքականությունը:

Առաջին համաշխարհային պատերազմի նախօրյակին թուրքական Թրակիայում և էգեյան ծովափին զանգվածորեն բնակվող հույների դեմ ծավալված արտաբնական կամպանիան ու տնտեսական բոյկոտը երիտթուրքերի ազգային քաղաքականության ծրագրի բաղկացուցիչ մասն էր:

К ВОПРОСУ О НАЦИОНАЛЬНОЙ ПОЛИТИКЕ МЛАДОТУРОК

Г. С. КИЛИМДЖЯН

Резюме

В статье анализируется реакционно-шовинистическая политика младотурок в отношении греков, проживавших в пределах Османской империи. Политикой экономического бойкота, которая сопровождалась массовыми гонениями и резней, младотурецкое правительство стремилось «очистить» Малую Азию от нетурецких элементов, укрепить экономические позиции турецкой буржуазии, а также заставить Грецию пойти на уступки в вопросе об Эгейских островах.

В результате этой политики 200 тыс. греков были вынуждены покинуть свои исконные земли и переселиться в Грецию.

Антигреческая кампания во многом обострила отношения между Османской империей и Грецией и стала одной из причин напряженных отношений между этими двумя государствами накануне первой мировой войны.

³⁰ Նույն տեղում, էջ 255:

³¹ G. Kemal, *Natiralar*, s. 105.

³² Y. H. Baug, *նշվ. աշխ.*, էջ 251:

³³ Նույն տեղում, էջ 253:

³⁴ «Правительственный вестник», 31. V (13. VI). 1914.

³⁵ Y. H. Baug, *նշվ. աշխ.*, էջ 255: